

讚

世間寶 歷代古今傳 珊瑚琥珀銀絲線

碑磬瑪瑙連珠串 給孤長者捨祇園

金輪王說法 永鎮龍宮殿

南無普供養菩薩摩訶薩 (三唱)

恭聞

諸佛世尊，現八相之成道，如月懸於太虛；善逝如來，示八種之化儀，似雨沾於沙界。四生七趣盡生天，八部龍神咸恭敬。八萬大士，悉助宣揚；八大菩薩，皆恆衛護。八時得八吉祥，八解具八功德。神機妙用，普應羣情。惟願垂慈，證明佛事！上來奉為，求懺我等，啓建慈悲道場懺法。茲當第八卷，入壇緣起。如法修持：檀信轉加精進，緇流如法熏修。爐焚戒定慧香，瓶插曼陀羅華；燈然玉樹，果獻金盤。投誠百拜於金容，懇切一心於寶地；陳露多生之罪垢，消除累世之愆尤。切念求懺我等，自從有識，以至今生；背八正而向八邪，引起參天荊棘；循八貪而迷八解，橫生徧界空華。為八識之所緣，隨八風之所轉；嗟八垢之易染，恐八難以難逃。今則悔過無門，捫心有愧。修片善於一乘教內，抱寸誠於諸佛像前；仍發露於罪愆，乃披誠而悔過。應念如斯，情當合釋；恭叩洪慈，冥熏加被。

刹塵心念可數知 大海中水可飲盡

虛空可量風可繫 無能盡說佛功德

## 第八卷入懺

啓運慈悲道場懺法一心歸命三世諸佛

南無過去毘婆尸佛      南無尸棄佛

南無毘舍浮佛      南無拘留孫佛

南無拘那含牟尼佛      南無迦葉佛

南無本師釋迦牟尼佛      南無當來彌勒尊佛

南無懺摩會上佛菩薩（三稱）

慈悲道場懺法卷第八

奉為阿修羅道一切善神禮佛第十七

今日道場，同業大眾！重復至誠，五體投地。奉為十方，盡虛空界，一切阿修羅王，一切阿修羅，各及眷屬；又奉為十方，盡虛空界，一切聰明正直，天地虛空，主善罰惡，守護持呪，八部神王，八部神將；乃至若內若外，若近若遠，東西南北，四維上下，徧空法界，有大神足力、有大威德力。如是十方，八部神王，八部神將，各及眷屬；歸命敬禮，一切世間，大慈悲父。

南無彌勒佛      南無釋迦牟尼佛

南無寶名佛      南無衆清淨佛

南無無邊名佛      南無不虛光佛

南無聖天佛      南無智王佛

南無金剛衆佛      南無善障佛  
南無建慈佛      南無華國佛  
南無法意佛      南無風行佛  
南無善思名佛      南無多明佛  
南無密衆佛      南無功德守佛  
南無利意佛      南無無懼佛  
南無堅觀佛      南無住法佛  
南無珠足佛      南無解脫德佛  
南無妙身佛      南無善意佛  
南無普德佛      南無光王佛  
南無無邊身菩薩      南無觀世音菩薩

又復歸命，如是十方，盡虛空界，一切三寶。願以慈悲力，同加覆護！願阿修羅王，一切阿修羅，各及眷屬；又願聰明正直，天地虛空，主善罰惡，守護持呪，八部神王，八部神將，各及眷屬；解脫客塵，清淨緣障；發起大乘，修無礙道。四無量心，六波羅蜜，常得現前；四辯六通，如意自在。恆以慈悲，救護衆生；行菩薩道，入佛智慧。度金剛心，成等正覺。

奉為龍王禮佛第十八

今日道場，同業大眾！重復至誠，五體投地。奉為十方，盡虛空界，一切不思議龍王：妙化龍王、頭化提龍王、五方龍

王、天龍王、地龍王、山龍王、海龍王、日宮龍王、月宮龍王、星宮龍王、歲時龍王、青海龍王、護形命龍王、護衆生龍王；乃至十方，若內若外，若近若遠，東西南北，四維上下，徧空法界，有大神足力、有大威德力。如是一切龍王，一切龍神，各及眷屬；歸命敬禮，一切世間，大慈悲父。

南無彌勒佛	南無釋迦牟尼佛
南無妙智佛	南無梵財佛
南無寶音佛	南無正智佛
南無力得佛	南無師子意佛
南無華相佛	南無智積佛
南無華齒佛	南無功德藏佛
南無名寶佛	南無希有名佛
南無上戒佛	南無無畏佛
南無日明佛	南無梵壽佛
南無一切天佛	南無樂智佛
南無寶天佛	南無珠藏佛
南無德流布佛	南無智王佛
南無無縛佛	南無堅法佛
南無天德佛	
南無無邊身菩薩	南無觀世音菩薩

又復歸命，如是十方，盡虛空界，一切三寶。願以慈悲力，

同加攝受！願諸龍王，各及眷屬；增暉光明，神力自在。以無相解，斷除緣障；永離惡趣，常生淨土。四無量心，六波羅蜜，常得現前；四無礙辯，六神通力，隨心自在。以慈悲心，拯接一切；妙行莊嚴，過法雲地。入金剛心，成等正覺。

### 奉為魔王禮佛第十九

今日道場，同業大眾！重復至誠，五體投地。奉為大魔王，五帝大魔；乃至東西南北，四維上下，盡虛空界，一切魔王，各及眷屬；歸命敬禮，一切世間，大慈悲父。

南無彌勒佛	南無釋迦牟尼佛
南無梵牟尼佛	南無安祥行佛
南無勤精進佛	南無炎肩佛
南無大威德佛	南無蒼蔔華佛
南無歡喜佛	南無善衆佛
南無帝幢佛	南無大愛佛
南無須蔓色佛	南無衆妙佛
南無可樂佛	南無善定義佛
南無牛王佛	南無妙臂佛
南無大車佛	南無滿願佛
南無德光佛	南無寶音佛
南無金剛軍佛	南無富貴佛

南無勢力行佛      南無師子力佛  
南無淨目佛  
南無無邊身菩薩    南無觀世音菩薩

又復歸命，如是十方，盡虛空界，一切三寶。願以慈悲力，同加覆護！願大魔王，五帝大魔，一切魔王，各及眷屬；無始以來，至於今日；一切緣障，皆得清淨。一切罪業，皆得消滅；一切衆苦，皆得解脫。四無量心，六波羅蜜，常得現前；四無礙智，六神通力，如意自在。行菩薩道，不休不息；先度衆生，然後作佛。

奉為各國元首人道禮佛第二十

今日道場，同業大衆！相與已得，奉為諸天諸仙，龍神八部，禮佛竟。次應奉為人道，一切人主，禮佛報恩；又為父母師長，一切眷屬。何以故爾？若無國主，一切衆生無所依附；由有國故，一切得住。行國家地，飲國家水；諸餘利益，不可具說。大衆宜各起報恩心。經言：若能一日一夜，六時忍苦，為欲利益，奉報恩者；應當發起如是等心：習行慈悲。以是願力，念報國主，覆幬之恩；念報施主，供億之恩；念報父母，養育之恩；念報師長，訓誨之恩；念報如來，濟度之恩。若能至心，常念不絕者；如是等人，得入道疾。

今日道場，同業大衆！諸佛大聖，慈恩開誘，慇懃如此，令

知恩報恩。我等今日，既仰賴國主，於末世中，興顯佛法；種種供養，不惜財寶；舉國上下，望風歸附。又令出家之人，安心向道；行住坐臥，初無留難。凡百不預，惟獎以善。皆願我等，速出生死；闡無量法門，開人天正路。而國主有如此恩德，豈得不人人，禮佛奉報？相與至心，等一痛切；奉為國主人道，歸依世間，大慈悲父。

南無彌勒佛	南無釋迦牟尼佛
南無迦葉佛	南無淨意佛
南無知次第佛	南無猛威德佛
南無大光明佛	南無日光曜佛
南無淨藏佛	南無分別威佛
南無無損佛	南無密日佛
南無月光佛	南無持明佛
南無善寂行佛	南無不動佛
南無大請佛	南無德法佛
南無莊嚴王佛	南無高出佛
南無炎熾佛	南無華德佛
南無寶嚴佛	南無上善佛
南無寶上佛	南無利慧佛
南無嚴土佛	
南無無邊身菩薩	南無觀世音菩薩

又復歸命，如是十方，盡虛空界，一切三寶。願以慈悲力，同加攝受！仰願當今國主！政躬康泰，仁風遠被，國基永固，慧命無窮，慈沾無際，有識歸心。菩薩盛化，天人讚仰；四等六度，日夜增明。四無礙辯，樂說無盡；得八自在，具六神通。三昧總持，應念現前；慈悲即世，恩徧六道。萬行早圓，速登正覺。

奉為朝野各界禮佛第二十一

今日道場，同業大眾！重復至誠，五體投地。奉為朝野各界等，文武百官，各及眷屬；歸依世間，大慈悲父。

南無彌勒佛	南無釋迦牟尼佛
南無海德佛	南無梵相佛
南無月蓋佛	南無多炎佛
南無違藍王佛	南無智稱佛
南無覺想佛	南無功德光佛
南無聲流布佛	南無滿月佛
南無華光佛	南無善戒佛
南無燈王佛	南無電光佛
南無光王佛	南無光明佛
南無具足讚佛	南無華藏佛
南無弗沙佛	南無身端嚴佛
南無淨義佛	南無威猛軍佛



南無福威德佛      南無力行佛  
南無羅睺天佛  
南無無邊身菩薩    南無觀世音菩薩

又復歸依，如是十方，盡虛空界，一切三寶。願以慈悲力，同加覆護！願朝野各界等，文武百官，各及眷屬；身心安樂，妙算無窮。行大乘道，入佛智慧；被四弘誓，不捨一切。四等六度，常得現前；六通三達，善識根性。具二莊嚴，神力自在；行如來慈，攝化六道。

### 奉為父母禮佛第二十二

今日道場，同業大眾！次復應須思念，父母養育之恩。懷抱乳哺，愛重情深；寧自危身，安立其子。至年長大，訓以仁禮；洗掌求師，願通經義。時刻不忘，企及人流；所當供給，不吝家寶。念深慮結，有亦成病；臥不安席，常憶其子。天下恩重，世實無二；所以佛言：天下之恩，莫過父母。夫捨家人，未能得道；惟勤學業，為善莫廢，積德不止；必能感報，劬勞之恩。相與至心，等一痛切，五體投地。各自奉為，有識神以來，至於今日；經生父母，歷劫親緣，一切眷屬；歸依世間，大慈悲父。

南無彌勒佛      南無釋迦牟尼佛  
南無智聚佛      南無調御佛

南無如王佛                      南無華相佛  
南無羅睺羅佛                  南無大藥佛  
南無宿王佛                      南無藥王佛  
南無德手佛                      南無得叉迦佛  
南無流布王佛                  南無日光佛  
南無法藏佛                      南無妙意佛  
南無德主佛                      南無金剛衆佛  
南無慧頂佛                      南無善住佛  
南無意行佛                      南無梵音佛  
南無師子佛                      南無雷音佛  
南無通相佛                      南無安隱佛  
南無慧隆佛  
南無無邊身菩薩      南無觀世音菩薩

又復歸依，如是十方，盡虛空界，一切三寶。願以慈悲力，同加攝受！願父母親緣，各及眷屬；從今日去，至於菩提；一切罪障，皆得除滅；一切衆苦，畢竟解脫。結習煩惱，永得清淨；長辭四趣，自在往生。親侍諸佛，現前受記。四無量心，六波羅蜜，常不離行；四無礙智，六神通力，如意自在。得佛十力，相好嚴身；同坐道場，成等正覺。

奉為過去父母禮佛第二十三

今日道場，同業大眾！其中若有父母，少便孤背；難可再遇

，空想悠然。既未得神通天眼，不知父母捨報，神識更生何道？惟當競設福力，追而報恩；為善不止，功成必致。經言：為亡人作福，如餉遠人；若生人天，增益功德；若處三塗，或在八難，永離衆苦。生若值佛，受正法教，即得超悟；七世父母，歷劫親緣，憂畏悉除，同得解脫。是為智者，至慈至孝，最上報恩。相與今日，應當悲泣；追懷懊惱，嗚呼哽慟，五體投地。奉為過去父母，歷劫親緣；歸依世間，大慈悲父。

南無彌勒佛	南無釋迦牟尼佛
南無梵王佛	南無牛王佛
南無利陀目佛	南無龍德佛
南無實相佛	南無莊嚴佛
南無不沒音佛	南無華德佛
南無音德佛	南無師子佛
南無莊嚴辭佛	南無勇智佛
南無華積佛	南無華開佛
南無力行佛	南無德積佛
南無上形色佛	南無明曜佛
南無月燈佛	南無威德王佛
南無菩提王佛	南無無盡佛
南無菩提眼佛	南無身充滿佛
南無慧國佛	

南無無邊身菩薩 南無觀世音菩薩

又復歸依，如是十方，盡虛空界，一切三寶。願以慈悲力，救護拯接！願過去父母，歷劫眷屬；從今日去，至於道場；一切罪緣，皆得消殄。一切苦果，永得除滅；煩惱結業，畢竟清淨。斷三障緣，除五怖畏；行菩薩道，廣化一切。八解洗心，四弘被物；面奉慈顏，諮承妙旨。不起本處，盡諸有漏；隨念逍遙，徧諸佛土。行願早成，速登正覺。

奉為師長禮佛第二十四

今日道場，同業大眾！相與已為，父母親緣禮佛竟。次復應念，師長恩德。何以故爾？父母雖復生育我等，不能令我速離惡趣。師長於我恩德無量；大慈獎喻，恆使修善；願出生死，到於彼岸；每事利益，令得見佛；除煩惱結，永處無為。如此至德，誰能上報？若能終身行道，止可自利，非報師恩。所以佛言：天下善知識者，莫過師長；既能自度，亦復度人。相與今日，幸得出家，受具足戒；此之重恩，從師長得。豈可不人人，追念此恩？相與至心，等一痛切，五體投地。奉為和尚阿闍黎，同壇尊證，上中下座，各及眷屬；歸依世間，大慈悲父。

南無彌勒佛

南無釋迦牟尼佛

南無最上佛

南無清淨照佛

南無慧德佛  
南無導師佛  
南無上施佛  
南無智勢佛  
南無帝王佛  
南無威德佛  
南無名聞佛  
南無無塵垢佛  
南無師子軍佛  
南無名聲佛  
南無大藏佛  
南無梵聞佛  
南無無邊身菩薩  
南無妙音聲佛  
南無無礙藏佛  
南無大尊佛  
南無大焰佛  
南無制力佛  
南無善明佛  
南無端嚴佛  
南無威儀佛  
南無天王佛  
南無殊勝佛  
南無福德光佛  
南無觀世音菩薩

又復歸依，如是十方，盡虛空界，一切三寶。願以慈悲力，同加攝受！願和尚阿闍黎，同壇尊證，上中下座，各及眷屬；從今日去，至坐道場；一切罪障，皆得清淨。一切衆苦，悉得解脫；一切煩惱，皆得斷除。隨念往生，諸佛淨土；菩提行願，皆悉具足。財施無盡，法施無盡；福德無盡，安樂無盡；壽命無盡，智慧無盡。四無量心，六波羅蜜，常得現前；四無礙智，六神通力，如意自在。住首楞嚴三昧，得金剛身；不捨本誓，還度衆生。

## 為十方比丘比丘尼禮佛第二十五

今日道場，同業大眾！以斯禮拜之次，重復增到，五體投地。普為十方，盡虛空界，現在未來，一切比丘、比丘尼、式叉摩那、沙彌、沙彌尼，各及眷屬；又為十方，盡虛空界，一切優婆塞、優婆夷，各及眷屬；復為從來，信施檀越，善惡知識，有緣無緣，各及眷屬。如是人道，一切人類，各及眷屬；今日以慈悲心，普為歸依世間，大慈悲父。

南無彌勒佛	南無釋迦牟尼佛
南無燈王佛	南無智頂佛
南無上天佛	南無地王佛
南無至解脫佛	南無金髻佛
南無羅睺日佛	南無莫能勝佛
南無牟尼淨佛	南無善光佛
南無金齊佛	南無種德天王佛
南無法蓋佛	南無德臂佛
南無鴛伽陀佛	南無美妙慧佛
南無微意佛	南無諸威德佛
南無師子髻佛	南無解脫相佛
南無威相佛	南無斷流佛
南無慧藏佛	南無智聚佛
南無無礙讚佛	
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力，同加覆護！願十方盡虛空界，一切比丘、比丘尼、式叉摩那、沙彌、沙彌尼，各及眷屬；又願十方，一切優婆塞、優婆夷，各及眷屬；又願從來，信施檀越，善惡知識，有緣無緣，各及眷屬；乃至一切人道，一切人類。無始以來，至於今日；一切煩惱，皆得斷除；一切緣障，皆得清淨。一切罪業，皆得消滅；一切衆苦，皆得解脫。離三障業，除五怖畏。四無量心，六波羅蜜，常得現前；四無礙智，六神通力，如意自在。行菩薩行，入一乘道；度脫無邊，一切衆生。

為十方過去比丘比丘尼禮佛第二十六

今日道場，同業大眾！重復至誠，五體投地。代為十方，盡虛空界，一切過去比丘、比丘尼、式叉摩那、沙彌、沙彌尼，過去優婆塞、優婆夷；廣及十方，一切人道，一切人類，有命過者，各及眷屬。今日以慈悲心，等諸佛心，同諸佛願；普為歸依世間，大慈悲父。

南無彌勒佛	南無釋迦牟尼佛
南無寶聚佛	南無善音佛
南無山王相佛	南無法頂佛
南無解脫德佛	南無善端嚴佛
南無吉身佛	南無愛語佛

南無師子利佛      南無和樓那佛  
南無師子法佛      南無法力佛  
南無愛樂佛      南無讚不動佛  
南無衆明王佛      南無覺悟佛  
南無妙明佛      南無意住義佛  
南無光照佛      南無香德佛  
南無令喜佛      南無不虛行佛  
南無滅慧佛      南無上色佛  
南無善步佛  
南無無邊身菩薩      南無觀世音菩薩

又復歸依，如是十方，盡虛空界，一切三寶。願以慈悲力，救護拯接！願過去一切比丘、比丘尼、式叉摩那、沙彌、沙彌尼，各及眷屬；又願過去一切優婆塞、優婆夷，各及眷屬；若有地獄道苦，今日即得解脫；若有餓鬼道苦，今日即得解脫；若有畜生道苦，今日即得解脫。離八難地，受八福生；永捨惡道，長生淨土。財施無盡，法施無盡；福德無盡，安樂無盡；壽命無盡，智慧無盡。四無量心，六波羅蜜，常得現前；四無礙智，六神通力，如意自在。常得見佛聞法，行菩薩道；勇猛精進，不休不息。乃至進修，成阿耨多羅三藐三菩提；廣能度脫，一切衆生。

慈悲道場懺法卷第八



## 七佛滅罪真言

離婆離婆帝 求訶求訶帝 陀羅尼帝 尼訶囉帝 毗黎你帝  
摩訶伽帝 真陵乾帝 娑婆訶 (七遍)

## 補闕真言

南無喝囉怛那 哆囉夜耶 佉囉佉囉 俱住俱住 摩囉摩囉  
虎囉 吽 賀賀 蘇怛拏 吽 潑抹拏 娑婆訶 (三遍)

## 讚

天龍人主 護世周全 師親恩重莫於先  
奉報在心田 衆志虔虔 苦到禮三千  
南無不動地菩薩摩訶薩 (三唱)

## 出懺

八德池中，湧現千華之妙相；八苦界內，仰投萬德之慈尊。弘宣八音八忍之妙法，普救八寒八熱之嚴刑。大慈慧鑑，憐愍有情；恩沾有漏人天，福利無邊國土。願加哀愍，鑑此勝因。上來奉為，求懺我等，啓建慈悲道場懺法。今當第八卷，披誦已完。於其壇內，燈然火樹，果獻新奇；茶烹陽羨先春，供列純陀最後。奉陳大覺金僊，旁設十洲三島；往古明王帝主，忠臣烈士仙班。三界十方，四生九有；俱承無遮之法利，盡脫有漏之凡籠。出生殊利，奉為求懺我等，懺除罪垢，獲大吉祥。伏願：捨八邪見於有情界內，行八正道於無

漏位中。八苦八難之餘殃，仗慈光而頓釋；八時八種之福田，假熏煉以圓融。塵塵自在，法法融通；波澄大海，月映千江。餘陰未空，同求懺悔。

### 讚

梁皇懺 八卷功德力 願滅信人八垢罪  
親證菩薩不動地 懺文舉處罪華飛  
解了怨 懺了罪 消災增福慧  
蓮池海會願相逢 彌陀佛前親受記  
南無蓮池會菩薩摩訶薩 (三唱)

### 舉讚

梁皇懺 八卷已全周 回向四恩并三有  
拜懺我等增福壽 惟願亡靈往西遊  
不動地菩薩 惟願哀納受  
南無登雲路菩薩摩訶薩 (三唱)